



---

Број: 05/8-50-14-485-10/16

Сарајево, 14.7.2016.

## ČLANOVIMA KOMISIJE ZA IZBOR I PRAĆENJE RADA AGENCIJE ZA PREVENCIJU KORUPCIJE I KOORDINACIJU BORBE PROTIV KORUPCIJE

### Z A P I S N I K

#### **10. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 23.6.2016., od 11 do 13,30 sati**

Sjednicu Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija) sazvala je predsjedavajuća Komisije Aleksandra Pandurević.

Sjednici su prisustvovali sljedeći članovi Komisije: Aleksandra Pandurević, Bariša Čolak, Anes Ličina, Darko Babalj, Halid Genjac, Borjana Krišto, Ivanka Marković i Mirsad Isaković.

Sjednici su prisustvovali i službenici iz Sekretarijata Parlamentarne skupštine Bosne i Hercegovine (PSBiH):

- Ljerka Bojić, rukovoditeljica Sektora za druga parlamentarna tijela PSBiH,
- Ivana Lovrić, stručna savjetnica u Sektoru za druga parlamentarna tijela PSBiH, i
- Jovica Katić, sekretar Komisije.

Kako nije vođena rasprava o prijedlogu dnevnog reda, konstatirano je da 10. sjednica Komisije ima sljedeći

### DNEVNI RED

- 1. Verifikacija Zapisnika 9. sjednice Komisije,**
- 2. Intervjui s kandidatima za direktora i dva zamjenika direktora Agencije za prevenciju korupcije i koordinaciju borbe protiv korupcije,**
- 3. Tekuća pitanja.**

## **Ad.1. Verifikacija Zapisnika 9. sjednice Komisije**

O Prijedlogu zapisnika 9. sjednice nije bilo rasprave.

*Komisija je jednoglasno usvojila Zapisnik 9. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije.*

## **Ad.2. Intervjui s kandidatima za direktora i dva zamjenika direktora Agencije za prevenciju korupcije i koordinaciju borbe protiv korupcije**

*Halid Genjac*, član Komisije, prije početka intervjua s kandidatima za direktora i dva zamjenika direktora Agencije za prevenciju korupcije i koordinaciju borbe protiv korupcije, sugerirao je da Komisija zauzme jedinstven stav po pozivu na intervju kandidata Svevlada Hoffmana, koji je Komisiji dostavio dokumentaciju po Javnom pozivu, ali ne i popunjene obrasce za proces provjere koje su u prethodnom periodu uradili Državna agencija za istrage i zaštitu (SIPA) i Centralna izborna komisija (CIK).

*Aleksandra Pandurević*, predsjedavajuća Komisije, podsjetila je da Zakon o agenciji za prevenciju korupcije i koordinaciju borbe protiv korupcije podrazumijeva da kandidati za direktora i dva zamjenika direktora ove Agencije prolaze kroz provjere CIK-a i SIPA-e koje se primjenjuju prilikom imenovanja članova Vijeća ministara BiH, a da ovaj kandidat nije Komisiji dostavio popunjene obrasce u skladu sa Zakonom, uslijed čega nije ispunio uslove za pozivanje na intervju.

Komisija je stav tumačenje predsjedavajuće Pandurević po ovom pitanju, a zatim pristupila intervjuiranju kandidata za direktora i dva zamjenika direktora Agencije za prevenciju korupcije i koordinaciju borbe protiv korupcije.

Od 22 pozvana kandidata, intervjuu je pristupilo sljedećih 18 kandidata:

- Dražen Zupanc, za poziciju 1/02 - zamjenik direktora Agencije,
- Izet Nizam, za poziciju 1/01 - direktor Agencije,
- Dragan Slipac, za pozicije 1/01 i 1/02 - direktor i zamjenik direktora Agencije,
- Sreto Pekić, za pozicije 1/01 i 1/02 - direktor i zamjenik direktora Agencije,
- Željka Marković-Sekulić, za poziciju 1/02 - zamjenik direktora Agencije,
- Muamer Kalić, za poziciju 1/01 - direktor Agencije,
- Munib Isaković, za poziciju 1/01 - direktor Agencije,
- Dragan Anđelić, za poziciju 1/02 - zamjenik direktora Agencije,
- Miroslav Škorić, za pozicije 1/01 i 1/02 - direktor i zamjenik direktora Agencije,
- Sead Lisak, za pozicije 1/01 i 1/02 - direktor i zamjenik direktora Agencije,
- Marko Dominković, za poziciju 1/02 - zamjenik direktora Agencije,
- Senad Kajdić, za pozicije 1/01 i 1/02 - direktor i zamjenik direktora Agencije,
- Miše Čavar, za pozicije 1/01 i 1/02 - direktor i zamjenik direktora Agencije,
- Remzija Kadrić, za pozicije 1/01 i 1/02 - direktor i zamjenik direktora Agencije,
- Jasna Ibrišimović, za pozicije 1/01 i 1/02 - direktor i zamjenik direktora Agencije,
- Hasim Šabotić, za poziciju 1/01 - direktor Agencije,
- Elvedin Jusufbašić, za pozicije 1/01 i 1/02 - direktor i zamjenik direktora Agencije i

- Aleksandar Faladžić, za pozicije 1/01 i 1/02 - direktor i zamjenik direktora Agencije.

Komisija je konstatala da je kandidat za direktora Agencije Samir Rizvo informirao Komisiju da, radi nemogućnosti prisustva intervjuu uslijed službenog puta, odustao od daljnje procedure.

Također, konstatirano je da se kandidat za direktora Agencije Muhamed Mujakić, kandidat za zamjenika direktora Mate Miletić, te kandidatkinja za obje pozicije Jasna Agić nisu odazvali intervjuu, čime nisu ispunili uslove za daljnju proceduru ocjenjivanja od članova Komisije.

*Aleksandra Pandurević* pozvala je članove Komisije da u roku od pet dana popune konačnu formu tipskih obrazaca za ocjenjivanje kandidata i dostave je sekretarijatu Komisije u svrhu sačinjavanja konačne rang-liste, koja će biti sastavni dio komisijuskog izvještaja koji će Komisija dostaviti domovima PSBiH u daljnu parlamentarnu proceduru, a koji će Komisija razmatrati na svojoj narednoj sjednici.

### **Ad.3. Tekuća pitanja**

U okviru ove tačke dnevnog reda nije bilo rasprave.

Sjednica je okončana u 13,30 sati.

Sastavni dio ovog zapisnika čini tonski snimak 10. sjednice Komisije.

Sekretar Komisije  
**Jovica Katić**

Predsjedavajuća Komisije  
**Aleksandra Pandurević**

#### **Dostavljeno:**

- naslovu
- a/a